



Sesida dals

Communitgà ils

Protocol nr.

5 da december 2022

6 da december 2022

921/2022

Dumonda Furger

concernent il consum dad e-cigarettas en las scolas popularas

Resposta da la Regenza

Tar la dumonda 1: Tenor il stadi da las enconuschientschas actualas n'existan ni sin nivel naziunal ni sin nivel chantunal datas segiras davart il diever e davart la derasaziun dad e-cigarettas. Las retschertgas en il rom da l'Enquista HBSC (Health Behaviour in School-aged Children) e da l'Enquista svizra davart la sanadad (ESS) na furneschan betg questas infurmaziuns e vegnan dal rest fatgas mo mintga 4 resp. 5 onns. Per obtegnair datas fidadas en quest sector stuess vegnir introduci in monitoring dal consum da tubac e dal consum da nicotin inclusiv da tut ils sutproducts dad e-cigarettas. Quest monitoring stuess vegnir differenzià tenor ils products.

Tar la dumonda 2: En il chantun Grischun vegnan regularmain fatgas campagnas d'infurmaziun davart ils differents temas da dependenza. En questas campagnas vegn tranter auter tematisà er il fimar. A chaschun dal World No Tobacco Day 2022 è per exempel vegnida lantschada online ina campagna cun il messadi «Meglra vita senza fim» che sa drizzava specificamain a giuvenils.

Las mesiras da la prevenziun da dependenza en il sector da scola cuntegnan in vast spectrum da temas da dependenza e da drogas, inclusiv ils differents products da tubac e da nicotin.

Tar la dumonda 3: En il chantun Grischun èn en emprima lingia las vischnancas responsablas per la promoziun da la sanadad e prevenziun. Il chantun cumplettescha e sustegna las infurmaziuns e la sensibilisaziun dals geniturs sco er da las scolaras e dals scolars tras las scolas. A las scolas vegn uschia mess a disposiziun material

d'instrucziun pertutgant il sector da dependenza per exempel sin la plattforma d'infurmaziun gr.feel-ok.ch u en il rom dal program da prevenziun «Freelance». Differentas infurmaziuns e differents fecls d'infurmaziun d'organisaziuns naziunalas stattan er a disposiziun.

Tar la dumonda 4: I na vegnan fatgas naginas ponderaziuns d'introducir ulteriuras regulaziuns sin plaun chantunal, che las mesiras che la Confederaziun ha relaschè. Per l'ina exista il privel che las regulaziuns chantunalas pudessan star en cuntradiziun cun in'eventuala regulaziun federala. Per l'autra dovra il relasch d'ina regulaziun correspondententa en ina lescha en il senn formal – ina tala lescha è obligatoricamain necessaria, sch'i dat intervenziuns en la sfera privata – almain 2 onns, fin ch'ella entra en vigur. Ina regulaziun chantunala faschess pia effect il pli baud 1 onn sunter la previsibla entrada en vigur da la Lescha davart ils products da tubac l'onn 2024, la quala è vegnida relaschada da la Confederaziun.

Tar la dumonda 5: Na. Guardar resposta a la dumonda 4.



En num da la Regenza

Il president:

Il chancelier:

A handwritten signature in black ink, appearing to read "M. Caduff".

Marcus Caduff

A handwritten signature in black ink, appearing to read "C. Hartmann Lütscher".

e.sub. C. Hartmann Lütscher